



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1858**

2306. Bekenntniß und Gelöbniß Ludwig`s des Aeltern zu seiner  
Lossprechung aus dem Banne, vom 30. August 1359.

---

---

**Nutzungsbedingungen**

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

2306. Bekenntniß und Gelöbniß Ludwig's des Aelteren zu seiner Losprechung aus dem Banne, vom 30. August 1359.

Nos Ludovicus de Bavaria, primogenitus quondam Ludovici de Bavaria, qui pro Romanorum Imperatore, dum viveret, se gessit, sed iudicio ecclesie reprobati, in presentia coram reverendis patribus dominis Paulo Frisingensi episcopo, & Petro abbate monasterii S. Lamberti, Salzeburgensis diocesis, commissariis, super infrascriptis a sede Apostolica specialiter deputatis, sponte, humiliter & ex certa scientia omnia & singula per vos, domine Paule episcope, & per dominum Fridericum, comitem Cilie, procuratores nostros pro nostra reconciliatione a & cum dicta sancta Romana ecclesia obtinenda olim per nos cum nostro procuratorio ad dictam sedem Apostolicam destinatos, procuratorio nomine nostro coram domino Papa & reverendissimis patribus sancte Romane ecclesie Cardinalibus, in premissis nomine nostro exposita, confessata, recognita, asserta & promissa, prout in dictis literis apostolicis continetur, de quibus omnibus reputamus nobis plene constare, & ea plene intelligimus ac scimus, ex certa scientia & expresse rata & grata habemus & ea omnia & singula personaliter ratificamus, ac in omnibus & per omnia approbamus, confirmamus, recognoscimus, asserimus, promittimus & juramento quod prestamus ad sancta Dei evangelia eis tactis confirmamus. Et nihilominus de novo in propria persona confitemur & recognoscimus, quod olim proprie salutis obliti, Deum & Romanam ecclesiam multipliciter & graviter offendere non formidantes, quondam Ludovicum genitorem nostrum contra monitiones & mandata sancte Romane Ecclesie, ac processus adversus eum & sibi obediens, obsequentes ac prestantes auxilium, consilium & favorem, factos & habitos per eandem, scienter habuimus, reputavimus, nominavimus & recognovimus pro Romanorum Imperatore, eumque tanquam Romanum Imperatorem ad invadendum, occupandum & detinendum Romanum Imperium, ejusque terras, loca, jurisdictiones & jura, eaque ac alia terras, loca & bona, que jure hereditario, seu alias quomodolibet, dum viveret, possidebat, etiam post reprobationem de ipso per dictam sedem factam defendendum, cum nostris personis, gentibus & facultatibus pro viribus adjuvimus, ejusque requisitionibus, mandatis & beneplacitis, quantum in nobis fuit, efficaciter obedivimus; ab ipso quoque tanquam, ut prefertur, Romanorum imperatore feuda recepimus, recognovimus & tenuimus, & alias multipliciter eidem adhesimus, obsecuti fuimus & dedimus consilium auxilium & favorem; ipsumque ac ejus consiliarios, auxiliares, factores & complices, ac eidem in rebellionem ipsius contra dictam sanctam Ecclesiam Romanam adherentes, gravibus sententiis & penis a prefata ecclesia propterea prolatis & inflictis, multipliciter irretitos, receptavimus, fovimus & defendimus, ac cum eodem nostro genitore divinis officiis, quanquam nos ambo essemus diversarum excommunicationum vinculis irretiti, scienter & temere interesse presumpsimus; illaque sic ligati in terris & locis nostre jurisdictioni subjectis, licet ea sciremus ecclesiastico fore, prout erant, interdicto supposita, celebrari, quinimmo quantum in nobis fuit profanari ausu temerario mandavimus & fecimus: & in multis guerris ac preliis,



in quibus nonnullæ Ecclesiæ, & ecclesiasticæ personæ in eorum bonis & juribus graviter molestata & damnificata fuerunt, personaliter extitimus, & ad ea frequenter nostros subditos destinavimus.

Preterea confitemur & recognoscimus, quod civitatem Tridentinam, & nonnulla oppida, castra, terras, villas, loca, bona, jura & jurisdictiones, ad ecclesiam Tridentinam spectantia, occupavimus & per duodecim annos vel circa detinuimus occupata: sed ea omnia nuper vobis reverendis patribus dominis commissariis predictis, vice et nomine dicte Romane Ecclesiæ recipientibus, secundum prefati domini Pape mandatum libere, realiter, & expedite restitimus & assignavimus, seu assignari fecimus, prout nostris: & alia bona spectantia ad capitulum dicte ecclesiæ Tridentine, per nos, seu alios nostro nomine seu favore hactenus occupata et detenta, ipsi capitulo restitimus, assignavimus, tradidimus & dimisimus, seu per alios occupata nostro favore tenentes assignari, restitui & dimitti plene & libere fecimus, prout de hoc per literas eiusdem capituli, eius sigillo munitas, clare & sufficienter docuimus coram vobis. Et castrum Furstemberg Curiensis diocesis spectans ad Curiensem Ecclesiam diu etiam tenuimus occupatum: sed illud jam diu libere & expedite restitimus venerabili in Christo patri domino Petro Episcopo Curiensi, prout de hoc per literas dicti Episcopi Curiensis ejus sigillo munitas docuimus coram vobis.

Item confitemur & recognoscimus humiliter, quod olim cum nobili muliere Margareta ducissa Carinthie (quamvis ipsa & nos simul essemus in tertio consanguinitatis gradu ex utroque latere conjuncti, & iustitia etiam publice honestatis inter nos ex eo exorta fuisset, quod antea eadem Margaretha per magnificum virum dominum Joannem, Marchionem Moravie, nobis in quarto gradu consanguinitatis attinentem, per verba de presenti fuerat desponsata, licet ab eodem domino Joanne fuisset postmodum iudicio ecclesiæ separata) de facto matrimonium scienter & temere contraximus, & in eo per decem & septem annos vel circiter contra jus, processus & sententias per felicis recordationis dominos Benedictum XII. & Clementem VI. Romanos Pontifices, seu alios, eorum sive alterius ipsorum auctoritate & mandato, super hoc contra nos & dictam Margaretam specialiter habitos & prolatas permansimus, & filios & filias procreavimus ex ea: & quod alias multipliciter contra processus predictos Deum verum patrem & dominum, ac prefatam Romanam Ecclesiam, omnium fidelium matrem & magistram, aliasque ecclesias & ecclesiasticas personas offendimus; propter que diversarum excommunicationum, privationum, inhabilitationum in dictis prefatorum summorum Pontificum & aliorum, & aliis apostolica seu alia quavis auctoritate factis & habitis processibus contentas, seu alias ab homine & a jure ac constitutionibus provincialibus & synodalibus ob premissa latas et inflictas sententias atque penas & infamie notam damnabiliter incurrimus: a quibus ferventibus votis absolvi & liberari desideramus, & ad ejusdem Romane ecclesiæ gremium, a quo imprudenter cecidimus, revocari; in eo tanquam devotus filius, perpetuis temporibus permansuri.



Afferimus etiam, quod non credimus, nec unquam credidimus, quod Romanus Imperator, etiam per dictam Romanam Ecclesiam approbatus, Romanum Pontificem possit deponere, & eidem alium subrogare: immo credimus & reputamus hoc asserere, esse heresim damnatam & ab Ecclesia reprobam: & quod nulli persone unquam consensimus, nec consentimus, nec in futurum consentire intendimus in aliqua heresi per Romanam Ecclesiam prelibatam, vel ejus auctoritate damnata, vel etiam in antea damnanda: & omne schisma in propria persona abnegamus, ac dicimus & asserimus, quod de commissis hujusmodi sumus vere penitentes & contriti, & omnes penitentiam, satisfactionem & emendam, quas nobis propter premissa imponetis, pure, devotè & sincere acceptabimus, agemus & perficiemus cum effectu. Item sponte asserimus, & promittimus, quod ecclesias, monasteria, canonicatus, prebendas & alia beneficia ecclesiastica, & alia omnia & singula, civitates, oppida, castra, terras, villas, loca, jurisdictiones, jura & bona quorumcunque aliorum, ecclesiarum, monasteriorum et aliorum ecclesiasticorum et piorum locorum et ecclesiasticarum personarum, per nos, seu nostro nomine, mandato, permissione, consensu, auxilio, & favore quomodolibet occupata seu detenta ipsis ecclesiis, monasteriis & locis, seu personis, ad que seu ad quas spectant, plene, libere, & expedite ac realiter, ad mandatum vestrum assignabimus, restituemus, trademus & dimitemus, & assignari, restitui, tradi & dimitti faciemus, & ea redintegrabimus & redintegrari faciemus ad illa, ac de fructibus, redditibus, proventibus & bonis ex eisdem ecclesiis, monasteriis, canonicatibus, prebendis & beneficiis ac civitatibus, oppidis, castris, terris, villis & locis aliis occupatis ac detentis, occupationis & detentionis eorum tempore per nos, vel alios nostro nomine, mandato, permissione, consensu, auxilio & favore perceptis & habitis, illis ad quos pertinent satisfaciemus & satisfieri faciemus, seu cum eis concordabimus: nec ea, vel aliqua eorum in posterum occupabimus per nostros subditos, aut alias nostro consilio, auxilio & favore aliquove quesito colore directe vel indirecte occupari permittemus: & quod super dicto presumpto matrimonio, & super omnibus & singulis premissis devotè & efficaciter parebimus mandatis predicti domini Pape ac ecclesie atque vestris: quodque sanctissimo Patri Domino Innocentio Pape VI. dignissimo, et suis successoribus canonice intrantibus, tanquam alius verus et catholicus Christianus, fideles et obedientes erimus: et quod nullo tempore erimus in liga, societate seu confederatione cum quibusvis hereticis per dictam Romanam Ecclesiam denotatis seu denotandis: nec eis seu ipsorum alicui per nos vel alium seu alios directe vel indirecte, publice vel occulte dabimus aliquod consilium, auxilium vel favorem: sed quod de terris nostris et nostre administrationi subjectis et subjiciendis universos hereticos, per eandem Romanam Ecclesiam vel ejus auctoritate denotatos, exterminare et etiam expellere pro viribus procurabimus.

Item offerimus et solemniter promittimus, quod pro satisfactione injuriarum irrogatarum et damnorum illatorum per nos Romane ecclesie prelibate, quandocunque per dictum dominum Papam seu officiales ipsius Romane ecclesie, in partibus Italie constitutos, fuerimus requisiti, infra unum mensem a requisitione hujusmodi computan-



dum, centum armigeros galeatos, viros fideles, ac in equis et armis bene munitos, quorum quilibet habebit unum socium armatum, & tres equos, ad quascumque partes Italiae eidem ecclesiae contra rebelles & hostes, & alias, prout fuerit expediens, fideliter servituros destinabimus, eosque per duodecim menses integros continuos vel interpolatos, secundum eorundem requirementum voluntatem, inchoandos a die, quo iidem galeati intrabunt terras praefate Romanae Ecclesiae, in huiusmodi servitio retinebimus; eisque de stipendiis & emendis, ac paghis duplis, si faciende occurrerint, providebimus, nostris sumptibus & expensis. Datum Monaci, Frisingensis dioecesis, penultima die mensis Augusti, anno Domini MCCCLVIII.

Nach Einig's Spicileg. ecclesiae Cont. p. 80 (P. XIX).

2307. Kaiser Karl bestätigt die Erbverbrüderung der Markgrafen Ludwig des Römers und Otto in Bezug auf den Herzog Bolko von Schweidnitz und den Markgrafen Johann von Mähren, am 18. März 1363.

In nomine Sancte et Individue Trinitatis feliciter Amen. Carolus Quartus, divina fauente clementia Romanorum Imperator semper Augustus et Boemie Rex, ad perpetuam rei memoriam. Constituti pridem in nostre Maiestatis presentia Illustres Ludouicus Romanus et Otto, fratres, Marchiones-Brandenburgenses et Lusatiae, Sacri Imperij Archicamerarij, Comites Palatini Rheni et Bauariae Duces, ab una, Et Illustres Bolko, Dux Schletzie, Dominus Swidnicensis et in Jawor, Et Johannes, Marchio Moraviae, parte ab alia, Principes et fideles nostri charissimi, nobis in folio Imperiali sub apparatu Caesareo cum solemnitate consueta sedentibus, in presentia multorum Principum, Comitum, Baronum et Procerum Sacri Imperij, et circumfusa plebis multitudine copiosa, quandam literam sigillatam sigillis dictorum Ludouicij et Ottonis, Marchionum Brandenburgensium et Lusatiae, votis communibus, cum debita Reuerentia presentarunt, supplicantes attente, Quatenus eandem literam et ordinationem ac etiam quelibet in ea contenta approbare, ratificare et confirmare de benignitate solita dignaremur, cuius tenor per omnia sequitur in haec verba.

Nos Ludouicus Romanus et Otto, fratres, Dej gratia Marchiones Brandenburgenses et Lusatiae, Sacri Imperij Archi Camerarij, Comites Palatini Rheni et Bauariae Duces, notum facimus tenore presentium uniuerfis. Quia pridem in presentia Serenissimi ac Inuictissimi Principis et Domini, Domini Caroli quarti, Divina fauente Clementia Romani Imperatoris semper Augusti Et Boemie Regis Illustris, Domini nostri gratiosi, Animo deliberato, sano fidelium nostrorum accedente consilio, bona voluntate ac de certa scientia, Illustrem Principem Dominum Wencellaum, praefati Imperatoris Domini nostri primogenitum, et omnes eiusdem Domini nostri Imperatoris heredes masculini sexus, quotquot habuerit Domino concedente, et eo-